

**უმაღლესი საგანმანათლებლო დაწესებულებების ავტორიზაციის საბჭოს
სხდომის ოქმი №2**

ქ. თბილისი

16.02.2017

სხდომას ესწრებოდნენ:

**უმაღლესი საგანმანათლებლო დაწესებულებების ავტორიზაციის საბჭოს (შემდგომში - საბჭო)
წევრები:**

მაგდა მაღრაძე - სსიპ - ათასწლეულის გამოწვევის ფონდის - „საქართველო“ (MCA – Georgia) აღმასრულებელი დირექტორი, საბჭოს თავმჯდომარე;

დავით აფრასიძე - სსიპ - ილიას სახელმწიფო უნივერსიტეტის ადმინისტრაციის ხელმძღვანელი (კანცლერი), სრული პროფესორი, საბჭოს თავმჯდომარის მოადგილე;

თამარ ზარანდია - სსიპ - ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის დეკანის მოადგილე, ასოცირებული პროფესორი, სხდომის მდივანი;

კონსტანტინე სირბილაძე - სსიპ - აკაკი წერეთლის სახელმწიფო უნივერსიტეტის პროფესორი; რევაზ სოლომონია - სსიპ - ილიას სახელმწიფო უნივერსიტეტის პროფესორი, ქიმიური ბიოლოგიის ინსტიტუტის დირექტორი;

ირაკლი ღარიბაშვილი - სსიპ - ივანე ჯავახიშვილის სახელობის სახელმწიფო უნივერსიტეტის ეროვნული სამეცნიერო ბიბლიოთეკის დირექტორი.

სსიპ - განათლების ხარისხის განვითარების ეროვნული ცენტრის (შემდგომში - ცენტრი) წარმომადგენლები:

ლევან მადათოვი - უმაღლესი განათლების ხარისხის უზრუნველყოფის სამსახურის აკრედიტაციის სამმართველოს უფროსის მოვალეობის შემსრულებელი;

მარიამ შოშიაშვილი - ხარისხის უზრუნველყოფის სამსახურის სპეციალისტი.

უმაღლესი საგანმანათლებლო დაწესებულებების ავტორიზაციის უსახერტები (შემდგომში - უსახერტები):

თამარ გაიხარაშვილი;

გიორგი რამიშვილი.

საბჭოს სხდომა დაიწყო 14:15 საათზე.

საბჭოს თავმჯდომარემ შეამოწმა სხდომაზე დამსწრე საბჭოს წევრების რაოდენობა და დაადგინა, რომ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის მე-5 პუნქტის შესაბამისად, სხდომა უფლებამოსილია, რადგან ესწრება საბჭოს წევრების სიითი შემადგენლობის ნახევარზე მეტი. თავმჯდომარემ საბჭოს წევრებს მიუთითა დებულების 24-ე მუხლის მე-2 პუნქტის მოთხოვნა, რომლის მიხედვითაც, საბჭოს წევრი არ არის უფლებამოსილი, თავი შეიკავოს ხმის მიცემისგან.



საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ
ბრძანებით დამტკიცებული „საგანმანათლებლო დაწესებულებების ავტორიზაციის დებულების“
22-ე მუხლის მე-4 პუნქტის საფუძველზე სხდომის მდივნის მოვალეობის შესრულება საბჭოს
თავმჯდომარემ დააკისრა თამარ ზარანდიას.

საბჭოს თავმჯდომარემ საბჭოს წევრებს გააცნო სხდომის დღის წესრიგი:

1. სსიპ - თბლისის სახელმწიფო სამედიცინო უნივერსიტეტისთვის სტუდენტთა ადგილების ზღვრული რაოდენობის გაზრდის საკითხის განხილვა.

საბჭოს თავმჯდომარემ საბჭოს წევრებს, ცენტრის წარმომადგენლებსა და დაინტერესებულ მხარეებს მიმართა, დღის წესრიგთან დაკავშირებით ხომ არ ჰქონდათ რაიმე შუამდგომლობა. საბჭოს წინაშე შუამდგომლობა არ იქნა წარმოგენილი. შესაბამისად, საბჭოს წევრებმა ერთხმად დაამტკიცეს სხდომის დღის წესრიგი წარმოდგენილი სახით.



1. სიპ - თბილისის სახელმწიფო სამედიცინო უნივერსიტეტისათვის სტუდენტთა ადგილების ზღვრული რაოდენობის გაზრდის საკითხის განხილვა

საბჭოს სხდომაზე დაწესებულების წარმომადგენლები არ გამოცხადნენ. უმაღლესი განათლების ხარისხის უზრუნველყოფის სამსახურის აკრედიტაციის სამმართველოს უფროსის მოვალეობის შემსრულებელმა ლევან მადათოვამა საბჭოს წევრებს მოახსენა, რომ სხდომის დღის წესრიგი კანონმდებლობით დადგენილი წესის შესაბამისად გამოქვეყნებული იყოს ცენტრის ვებგვერდზე, ასევე აღნიშნულის თაობაზე ეცნობა დაწესებულების წარმომადგენლებსაც.

საბჭოს თავმჯდომარემ კითხვით მიმართა ცენტრის წარმომადგენელს, რამდენად იყო საბჭო უფლებამოსილი საკითხი განეხილა დაწესებულების წარმომადგენელთა დაუსწრებლად. ლევან მადათოვამა აღნიშნა, რომ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის მე-7 პუნქტის თანახმად, ავტორიზაციის მაძიებლის წარმომადგენლები უფლებამოსილნი არიან მონაწილეობა მიიღონ ზეპირ მოსმენაში. ამასთან, საქართველოს ზოგადი ადმინისტრაციული კოდექსის 111-ე მუხლის მე-3 ნაწილის მიხედვით, ზეპირ მოსმენაში მონაწილეობის მიღების უფლება აქვთ ადმინისტრაციული ორგანოს უფლებამოსილ თანამდებობის პირს, ზემდგომი ორგანოს წარმომადგენელს, დაინტერესებულ მხარეს, განხილვაზე მოწვეულ ექსპერტს, მოწმეს.

საბჭოს თავმჯდომარის მოსაზრებით, ვინაიდან საკითხი ეხებოდა დაწესებულებისთვის სტუდენტთა ადგილების ზღვრული რაოდენობის განსაზღვრას, საბჭო დაწესებულებების ინტერესების გათვალისწინებით უფლებამოსილი იყო განეხილა საკითხი. ამასთან, მნიშვნელოვანია, რომ სტუდენტთა ადგილების გაზრდის განაცხადში (ცენტრში რეგისტრაციის №1522935) დაწესებულებას მითითებული ჰქონდა, რომ მატერიალური და ადამიანური რესურსების გათვალისწინებით სტუდენტთა ადგილების ზღვრული რაოდენობის განსაზღვრა სურდა 11 000-ით. საბჭოს თავმჯდომარის მოსაზრება საკითხის განხილვის თაობაზე გაიზიარეს საბჭოს სხვა წევრებმაც.

საბჭოს თავმჯდომარემ მიმართა საბჭოს წევრებს, დაედასტურებინათ, რომ იცნობდნენ დაწესებულების მიერ წარმოდგენილ განაცხადსა და ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. შესაბამისად, საბჭოს თავმჯდომარემ სთხოვა სხდომის მდივანს, რომ საქმის მასალები - განაცხადი და ექსპერტთა ჯგუფის დასკვნა - დაერთო ოქმისთვის, როგორც მისი განუყოფელი ნაწილი.

ავტორიზაციის ექსპერტთა ჯგუფის დასკვნა საბჭოს წინაშე წარადგინა ექსპერტთა ჯგუფის თავმჯდომარემ, თამარ გაიხარაშვილმა. მან განმარტა, რომ 2011 წლის 8 სექტემბრის №237 გადაწყვეტილების საფუძველზე დაწესებულებას სტუდენტთა ადგილების ზღვრული რაოდენობა განესაზღვრა 8500 - ით. ექსპერტის განცხადებით, თსსუ-ს განაცხადის მიხედვით, დაწესებულების სასწავლო ფართი იყო 27 404.28მ². ანუ სასწავლო ფართი უნდა გაზრდილიყო 7574.41მ². თამარ გაიხარაშვილმა საბჭოს წევრებს განცხადა, რომ ვიზიტის დროს უნივერსიტეტის მიერ გადაცემული ფართების ცხრილში შეტანილი იყო თსსუ-ს მეოთხე სასწავლო კორპუსის ფართი 2573..22მ². ექსპერტის განცხადებით კი გადამოწმების შედეგად ზემოთხსენებული შენობის სასწავლო ფართი აღმოჩნდა 2660.1მ². ექსპერტთა ჯგუფის თავმჯდომარის განცხადებით, დაწესებულება აღჭურვილი იყო თანამედროვე ლაბორატორიებით და უახლესი ტექნიკით.

ექსპერტმა საბჭოს წევრებს განცხადა, რომ 2011 წლის შემდეგ თსსუ-ს საკუთრებაში გადაეცა აღექსანდრე ალადაშვილის სახელობის №1 საუნივერსიტეტო კლინიკა, სადაც კლინიკური საქმიანობისთვის განკუთვნილი 4312მ² ფართი გამოიყენებოდა სტუდენტების სწავლების პროცესში. ამას გარდა, თამარ გაიხარაშვილის განცხადებით, თსსუ-ს მიერ განხორციელებული



საგანმანათლებლო პროგრამები ითვალისწინებდა სტუდენტებისთვის კლინიკური უნარ-ჩვეულების განვითარებას.

გიორგი რამიშვილმა აკადემიურ პერსონალთან დაკავშირებით, განაცხადა რომ 2011 წლის შემდეგ, თსსუ-ში ჩატარდა 4 კონკურსი, აკადემიური თანამდებობების დასაკავებლად, სხვადასხვა ფაკულტეტებისა და დეპარტამენტების მიხედვით. ჩატარებული კონკურსების შედეგების მიხედვით მოცემული მომენტისთვის თსსუ-ში აკადემიური პერსონალის საერთო რაოდენობა იყო 381. ექსპერტმა აქვე აღნიშნა, რომ დაწესებულების აკადემიური პერსონალის კვალიფიკაცია შესაბამებოდა დაკავებულ თანამდებობას.

საბჭოს თავმჯდომარე, მაგდა მალრაძე დაინტერესდა თუ რომელი პროგრამისთვის ითხოვდა დაწესებულება სტუდენტთა ადგილების გაზრდას. ექსპერტმა თამარ გაიხარაშვილმა, საბჭოს წევრებს განუცხადა რომ დაწესებულებაში დღესდღეობით სწავლობდა 2000-ზე მეტი უცხოელი სტუდენტი მსოფლის 59 ქვეყნიდან. სტუდენტთა ადგილების ზღვრული რაოდენობის (8500) უცვლელობის შემთხვევაში თსსუ-ში სწავლის მსურველი უცხოელი ახალგაზრდების განაცხადი ვერ დაკმაყოფილდებოდა. სწორედ ამიტომ სურდა უნივერსიტეტს სტუდენტთა ადგილების ზვრული რაოდენობის გაზრდა. თამარ გაიხარაშვილმა აღნიშნა, რომ დაწესებულება განაცხადში კონკრეტულად არ უთითებდა თუ რომელ პროგრამაზე სურდა სტუდენტთა ადგილების გაზრდა.

საბჭოს წევრი, ირაკლი ღარიბაშვილი დაინტერესდა, ორივე ფართზე შეეძლოთ თუ არა სტუდენტებს ბიბლიოთეკით სარგებლობა. თამარ გაიხარაშვილმა, აღნიშნა, რომ დაწესებულების მთავარი ბიბლიოთეკა განთავსებული იყო ლუბლიანას ქუჩაზე მდებარე ფართზე, თუმცა წერეთლის გამზირზე მდებარე ფართშიც შეეძლოთ სტუდენტებს ესარგებლათ ბიბლიოთეკით.

საბჭოს წევრი, კონსტანტინე სირბილაძე დაინტერესდა, თუ რა რაოდენობით სურდა დაწესებულებას გაზრდილიყო სტუდენტთა ადგილების ზღვრული რაოდენობა და როგორი იყო პროპორცია ამ რაოდენობაში ქართველი და უცხოელი სტუდენტების. საბჭოს თავმჯდომარემ მაგდა მალრაძემ განაცხადა, რომ დაწესებულებას რეავტორიზაცია უწევდა ერთ წელიწადში, რაც თავისთავად გულისხმობდა იმას, რომ დაწესებულებას სტუდენტების ადგილების ზღვრული რაოდენობის განსაზღვრა ხელახლა მოხდება. ამიტომ, თავმჯდომარემ საბჭოს წევრებს განუცხადა, რომ არსებული რესურსების გათვალისწინებით მიზანშეწონილი იყო დაწესებულებას სტუდენტთა ადგილების ზღვრული რაოდენობა გაზრდოდა 1700-ით 2500-ის ნაცვლად. აღნიშნული მოსაზრება გაიზიარეს საბჭოს სხვა წევრებმაც.

შესაბამისად, საბჭოს თავმჯდომარემ კენჭისყრაზე დააყენა სსიპ - თბილისის სახელმწიფო სამედიცინო უნივერსიტეტისათვის სტუდენტთა ადგილების ზღვრული რაოდენობის 10 200-ით და სტუდენტთა ადგილების ზღვრული რაოდენობიდან პროფესიული სტუდენტების ადგილების რაოდენობის 50-ით განსაზღვრის საკითხი.

კენჭისყრის შედეგები:

მომხრე - 6

წინააღმდეგი - 0

გადაწყვეტილება:

საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 33-ე მუხლის პირველი და მეორე პუნქტების „ბ“ ქვეპუნქტის, 33¹ მუხლის მე-3 პუნქტისა და 34-ე მუხლის მე-2 პუნქტის შესაბამისად, სსიპ - თბილისის სახელმწიფო სამედიცინო უნივერსიტეტს (საიდენტიფიკაციო კოდი: 211328703) სტუდენტთა ადგილების ზღვრული რაოდენობა განსაზღვროს 10 200-ით. სტუდენტთა ადგილების ზღვრული რაოდენობიდან პროფესიულ სტუდენტთა ადგილების რაოდენობა განესაზღვროს 50-ით.

დღის წესრიგით გათვალისწინებული საკითხის განხილვის შემდგომ 15:30 საათზე საბჭოს
სხდომა დახურულად გამოცხადდა.

თავმჯდომარე
მაგდა მალრაძე

მდივანი
თამარ ზარანდია


